

新樂縣志卷之十八

續藝文志

志曰新邑古稱多悲歌慷慨之士其散見於藝文者自元以前少槩見可勝惜哉雖斗大一隅而古跡多有是可述而詠也又觀驛亭舊壁皇華駐節大雅留題惜乎粉牆剝落字句殘缺不全者多矣舉所存者皆可傳而歌也續而志之庶觀風者採焉續藝文志

奉命守恒郡過新樂虛白堂感而賦此

唐 王

一麾守恒山捧檄心如乍叱馭出長安五日過新樂孤城

新樂縣志卷之十八

一

枕函河荒田半沙瘠會逢冠蓋繁慨然念民瘼九省集皇華使星正炳爍北轍方門庭南轅報城郭僕夫及圍人諠呼無停諾歎息詢勞吏何以娛琴鶴鞅掌已極僣漫云縻好爵所以素心人郵亭立虛白初至便如歸少憇遠行客清白名臣風涵虛長者格駐節閉門深濶伴無諾索斜日蔭長桑幽涼來几席四窓闕凌空階草洗塵跡靜氣閱古詞珠璣燦東壁信宿倚銀河芳露湛凝碧延竚望京華天顏猶咫尺秣馬肅前征饑寒恤徭役令德願言崇流行速傳驛

戊戌過新市晤林父母敘述舊遊十年如  
昨感而賦此

徐真脩

伊昔忻良邁乃在青山郭  
僻壤映光儀環視發驚愕  
美人予目成影響自茲託  
微探宛委藏曩古恣噴薄  
抽翰健思生寒星紛錯落  
寂照扁靈暉所厭惟婪霍  
湛衷寧獨持仍將啓予篤  
慚予顛固資浮榮耿心絡  
先期策高足旋共拾江葯  
皦皦皎日心奚翅金石約  
君辭返舊疆予自淹山澤  
海天煙霧深途邈飛鴻弱  
遐矚寄相思清姿成意度  
啓事上新除文石旅朱裸  
披香咫御顏希逢艷華閣  
方知君子踪迴節弭京洛  
竭來曾幾何胡遽縻好爵  
應由毛義心檄新樂縣志  
卷之十八 二

至捧而躍凌虛下鳧鳥體  
髀試霜鏑孤城臨廣衢冠  
蓋踪相錯擾擾窮旦昏馳  
驟爭杯杓何意心期子亦  
至縈且索齋原案獻酬鳧  
藻儼如昨歡譁滋譌訶殊  
自忘落魄君言炯炯明逐  
物匪余樂流景駛難迴雙  
丸無停泊微動息堪營託  
志脩寂寞瑤草漸翕絕言  
歸返林壑寂寞豈外求指  
掌握丹鑰冠霞竚紫庭一  
嘯生寥廓

清聽堂詠

新市衙齋有尺笏地編茆架植堂始名焉名堂之繇則  
明初鄭公諱札者令於斯邑每靜夜不入寢室結跏趺  
露坐中庭几城肆郊壕至于墟落小民言笑恢諧諄詒  
紛沓公悉聞之旦日命隸人覆之無異焉噫亦神矣自  
昔有道之士恒乞就令若飛鳧之謁巽火之卮陽冰石

犀之立穉川勾漏之煉鄭公方之無慙爾吾兄擬齋視民猶饑好道若渴觀其自托曩賢政慶不淺因作此詩並序以屬後之視今者

林向哲

我昔聞高真往往稱官職視茲屬毛裏何殊護吹息遠懷  
鳴琴人芳茵猶可識跣趺坐空庭白露澹星色郊塵悲歡  
聲一一至我側虛靜自生明群動安敢匿神術無他竒機  
揆闕悃幅自古學道流於此觀所得吾兄托况深誅茆蕪  
埏埴春風吹戶樞呼之如相即靜夜葆精神民情在胸臆  
四聰達以誠是名耳功德進悟聞思脩定入三摩域

丙申南下車中讀東漢書有感滂賦題壁

函關使者

新樂縣志卷之十八

三

崑崙有瑤樹玄鳳翔其杪朝餐縣圃露暮宿星辰表皓月  
滿晴空羽翮何縹緲我愛徐孺子清修自皎皎韜精在南  
郡高卧白雲曉群賢方碌碌誰能測窈杳郭泰獎人倫申  
屠亦林沼浩然鴻鵠姿豈復虞繒繳

新樂郵亭有扶桑茂樹歲戊戌奉命西征過此同林凝齋賦之

邵燈

扶桑載白日卓午清沉沉密葉巢佳鵲和鳴多好音悠忽  
皇華客紅塵滯且深車馬無停畧安能歸長林前途浩以  
渺愛托此蕭森少憇亭臯下夢醒聞芳馨風雅道斯在相  
與賡高吟如入空山去靜諧夙昔心

宿新樂留題其一

直撫大司空三韓王登聯書

晚發恒陽郡透迤此北征霜風吹樹老河水向冬平幾處  
餘煙火寧堪歷送迎揆衷義濟切饑溺豈忘情

其二

擾擾塵沙內何年此驛亭平疇猶灌莽使客自輜輶訪蹟  
鮮虞古籌時白墮醒所期悃悞者一為慰求寧

康熙元年孟冬朔日恭逢

撫院王老大人以公務出恒陽將臨上谷經鮮虞憫念小  
邑當九省之衝斯民苦八年之勞發為詩章惻怛至誠  
溢于言表後人三復是詩則體恤民勞之念應油然而  
生推而行之民之幸也昔人稱社二部詩忠君愛國得  
三百篇遺意於此詩亦洵然

新樂縣志卷之十八

又三五言起

己亥初秋過新市李先生山園時令君為潤金鏡  
中林凝山同社

北郭名園靜羣蟬咽亂風輕蓮低覆水高栢遠摩空香氣  
排窓入嵐光遠眼紅山公多舊澤仍復羨華封

邨河秋夜次見初父母

李昌齡

薄暮秋江望晴沙落紫煙鳥隨雲影度樹共月光懸魚沫  
吹寒露砧聲動遠天存懷河漢近酌酒一鳴舷

雪浪石

王崇簡

中山一片石異代說東坡老質躡玄豹輕紋湧白波不隨  
陵谷變獨立晦明多老木當年侶風雷蘊古柯

戊戌春夏間奉命賑卹恒邢諸郡三過新市感而賦此

王崇簡

越月三過此馳驅未暫停寒暄春夏變風雨去來經水漲沙塘白鴉翻麥浪青旅懷頻不寐莫怪鬢多星

辛卯典試秦中七夕經過新市

范光文

今夕是何夕我來亦渡河人間巧欲盡天上意如何渺渺西方美行行秋色多自將文德賦絕勝挽銀河

過新市觀伏羲臺浴兒池

魏裔介

萬古真元氣獨鍾至聖身龍圖開道與鳥跡佑斯人野色空池綠荒臺曉樹春遺經有卦象俯仰盡經綸

新樂縣志卷之十八

五

四

宿新樂驛偶題

胡文學

官驛臨新市王程四望通中宵鳴牧馬欹枕賦哀鴻貧士憐關吏驅徒憊急公淒其懷古意煙柳萬條中

校士畿南過新樂小憇

熊伯龍

十載經過五三爲六月天冷暖都嘗盡風塵豈獨賢涼雲開雨後午夢入羲前侯吏須相耐輕車狎暮煙

同林凝老登伏羲臺

張松齡

高臺懸夕照靜者共登臨點畫開天地丹青變古今雲流此日事樹老昔年心仙吏無塵慮得聞世外音

同蘭江趙丙三往返北道渡河得詩四首

周亮工

黑霧滿滹沱寒風吹客過羈人依凍柳瘠馬怯洪波夢昔  
悲三輔還家昧西河蘭江春事好與爾老漁蓑

三載蠻煙客蘭陰曾再過逢人同北道下馬認黃河長劍  
懸衣窄荒沙染鬢皤如何來去路只倩小溪歌

顛客難爲夜聯床話未闌里鐘懸樹老戰馬齒沙寒撲鏡  
衰顏怒驚卮旅思瞞庖風兼駛雨不敢勸加餐

萬里閒來去前期未易論遐心儀劍道素迹托雲根與客  
同呼馬教僮學佩鞢蘭陰酒正熟許我數朝昏

新樂縣志卷之十八

五

日晡抵署讀元亮詩走筆步韻四首恨昏鴉  
已集不能推敲耳

庵

又復渡滹沱危橋破暝過桑濃能覆鳥月小未曾波病骨  
空耽酒民膏罄治河將何酬薄祿終亦負煙蓑

往復驚人句輻軒向此過誰能真折檻不必競懸河才短  
人胡妬愁多鬢易皤步擔頻悵望呼酒佐悲歌

不自嫌巴曲吟髭拈未闌新憂蕙舊恨初夏帶春寒忤俗  
耳狂癖之官忍世瞞如何雲出岫應念腐儒餐

驪唱方湍渚歸懷已自論無文酬繡段有子誤金根易水  
訢筑七中原獨橐鞬慙難追擊鉢暝色戍樓昏

春曉喜晴之作

史允琦

日煖息風塵陽和別樣新  
草漸青欲透樹染綠初勻  
觀化憑花落忘機任鳥親  
開軒雲氣淨恍惚見天真

巳亥暮春過新樂林凝老留飲李家園分賦徐延壽  
詩二首

懷刺投冰署官閒早放衙  
隨身嘗挈印終日但尋花  
香散留荀座園開醉習家  
故鄉詢近事烽火隔天涯

前路近滹沱春殘策騎過  
酒沽明月店人渡古冰河  
察友同鄉好神君到處歌  
牡丹開尚未我去洛陽多

八月十七日出都門將過鮮虞見林凝老因遇風宿琉璃河次早至涿州見村間多以石作瓦覺黃州竹樓遜

新樂縣志卷之十八

六

其堅古滂口占一詩云

陳箴

樓桑多異石輕者薄如縠  
幽人每結廬愛此魚鱗覆  
水流終不移鄙夫何鹿鹿  
欲見素心人彈琴弄蛇腹

取道中山將至鮮虞得詩一首

陳箴

不覺恒山遠孤峰只側看  
途長馬尾秃地古驛亭刊  
斷磧迷官道晴陰作晚寒  
秋風邀客思行路莫歌難

出恒山道中即事

程可則

半年遊趙國三月返燕門  
車馬何曾定風塵未敢言  
嫩楊踈客路微雨晴孤村  
縹緲春田外何人自灌園

義臺曉日

邑南五里許有碑作隸古字云義皇聖里繇碑以北行十里丘陵四起周遭若城城中有臺級以六十四方以八為伏羲畫卦臺臺端琉璃殿角複道離宮高居遠覽西倚太行東臨河水心目所及與時無盡獨有晨光氣清煙樹弗迷尤稱勝槩登者竊擬之泰山日觀云

林華皖

高臺懸榭杪。謁帝出朝煙。臣愧黃農後。道參點畫前。扶桑看此日。滄海定何年。欲問生人祖。長生訣孰傳。

義臺曉日

劉雪

曙日生滄海。金光射石臺。雲棲當檻榭。碑積歷朝苔。西壁丹青古。先天氣象開。千秋登眺者。共是聖人胎。

新樂縣志卷之十八

七

義臺曉日舊志推為第一惜殘碑埋于瓦礫久矣歲辛丑林父毋始鼎新喜而賦此

郝應第

人處羲皇世。同登八卦臺。俯觀溪水曲。平倚太行迴。歲久螭頭碧。風移鳥篆猜。自從新廟貌。群望古風來。

義臺曉日

方峨

濛濛含萬象。隱隱出層臺。佳氣乾坤霽。清光海嶽開。龍蛇浮畫棟。鐘磬落蒼苔。欲問先天事。誰人種綠梅。

義臺曉日

馮亨期

古砌寒雲宿。清晨試一登。長桑根海湧。新柳捧霞升。遠嶂開屏穩。長河匹練澄。漢唐陵寢路。何處尚峻嶒。



義臺曉日

林岷曾

百世生人者。巋然此地傳。層臺扶早旭。古殿俯寒煙。草樹迷岐路。峯巒認昔年。豈知點畫後。誰復識先天。

浴池朱草

義臺以北一里而近。有亭翼翼。數柳繞之。小橋水曲。稻畦十畝之間。一池規方。澄澈可燭。者浴兒池也。稱伏羲生身處。亦稱人祖生人處。人始生。浴於斯。故水中至今間生朱草。即張華博物志所載和氣相感。則生朱草。仁主壽昌。民延壽命。天下太平者是也。

崔生華

瑶草崑崙種。誰移華渚磯。落霞時返照。朱鷺偶同飛。帝子當年事。王孫何日歸。低回亭際久。光氣襲人衣。

新樂縣志卷之十八

八

浴池朱草。父老相傳。數歲一生。已亥年以聖殿鼎建。朱草生於子思子位前。均稱佳瑞。

郝應第

自與群芳異。光搖水上天。赤文千古曉。奕葉幾莖妍。露漙含香潤。風行書帶聯。於今占瑞色。又向聖人前。

浴池朱草。壬寅正月。道經新市。臨浴兒池。湯賦

張松齡

晴光明遠渚。朱草數莖低。向水分花色。隨風上馬蹄。何年滋玉露。此日映紅霓。最愛羲皇近。春迴路不迷。

栢臺望岳

邑以北。凡有山皆漸近於岳。故邨村設北岳行宮。望而祀之。宮以南有臺。樹以栢。數維五。昔時土人有將伐之者。僧患甚。夜挿以釘。使不容鋸。次日滿樹皆鐵。封然異之。而止。至今鐵繡苔痕。點點相間。樹紋皆迴環。橫卷如髮。如煙。俗傳有唐尉遲鄂公。曾旋馬其下。故樹紋亦隨

之而轉云

林華院

登臺多古色蒼舊引人遙雨氣含千里苔紋積六朝將軍  
留大樹帝女憶吹簫我欲遊玄岳雲中採藥苗

栢臺望岳

徐具脩

古栢岩巖處青冥一望分衆峰浮遠黛絕頂入層雲飛石  
空中至踈鐘靜後聞吾生玄覽盡鸞鶴欲為群

栢臺望岳

郝應第

盤桓看側栢蒼翠歷千春古鐵霜皮鏽近時風葉新石來  
銘舜帝樹繞刺唐臣大茂雲中立舊遊望比隣

新樂縣志卷之十八

九

一水中洲

郛河之水發源楊川嶺經行唐至新樂西南與沙河匯  
沙河之水發源繁峙白坡頭經曲陽至新樂西南與郛  
河匯二水上流未匯中分洲多白鷺人立洲中水臨三  
面若從鏡裏遊北望嘉山黃山牧山影搖天半為誦太  
白三山半落青天外二水中分白鷺洲之句山川式靈  
亦謂似之

劉雪

蕩漾分來遠沙洲欲合妍魚龍迴晚漲蘆荻響秋煙  
黃山外城孤白浪邊往還雙鏡裏人影月娟娟

二水中洲

李燦

疑是銀河落光分兩岬秋金鱗翻浪起玉帶抱城流天地  
連雲合古今一葉浮此間川既濟擊楫遍芳洲

鮮虞古渡

嘗讀東漢書及恒山郡志皆云鮮虞亭在新樂不知廢於何年無有指其故址之所在者以予相度鮮虞氣象自西北而東南入于河龍德在木亭宜居東南位以巽九有之人凡經過此地每夏秋水漲河不容橋待渡者久之風雨曠野少憇亭臯亦猶懷古之遺夫

林華皖

鮮虞猶故國煙火接郊坰襟帶雙河水春秋一草亭樹中周道白天外晉山青自有慈航在渡人總未停

鮮虞古渡

郝應第

城郭煙光紫沙洲樹色昏輪蹄兩岸望舟楫一蜂屯勝跡幾遷次芳名尚爾存幸逢仙吏過飛舄振塵門

新樂縣志卷之十八

十

鮮虞古渡

劉雪

何年開此渡今古往來同人坐江聲上馬嘶水色中城樓隣北岳地軸接崆峒晚眺蘆花暝漁燈幾點紅

鮮虞古渡

方峨

停車尋舊跡雉堞俯寒流落日荒亭外淒風古木秋生涯遲雨鬢歲月送孤舟草草勞人意頻年事遠遊

鮮虞古渡

李燦

關河通九省古道未能扁病涉何勞乘知津自有亭月來沙磧白春入柳條青爭渡無須急從容過遠汀

孔村杏錦  
渡草橋南十五里曰孔村相傳孔子周遊過此故名焉  
村北數年以來風氣所萃突起沙崗蜿蜒若龍列之屏  
樹之背似擁護人居者然人家多種杏每歲花朝一望  
飛花落紅無際風織迴文馬行錦上遊者喜稱佳麗杏  
叢中有堂軒軒者太守郝公葦齋讀書處

林華皖

有榭皆紅杏無聲照白沙野堂開畫錦春仗出雲霞人語  
深林曲香塵古道遮緩行時攬轡惟恐踏飛花

孔村杏錦

毛三光

近日白沙阜增高俯衆芳藍田文杏館伊洛午橋莊碧翠  
環平野晴明映曉光隣村漁父問濯錦水雲鄉

新樂縣志卷之十八

十一

孔村杏錦

方峨

別有桃源路深林不見人香清蜂屢徙紅滿蝶飛頻向日  
疑爭笑迎風欲醉春兒童歌唱罷隨意坐花茵

孔村杏錦

李燦

杏林紅萬點疑是錦籠沙搖影留遲日飄香逐落霞鳥聲  
聞畫裡山勢遶天涯方識春風遠豈惟一縣花

筆鄉書院

孔子貽筆鄉亦稱筆頭村鄉人居甚稀而風貧古離義  
臺三十五里離閔鎮十五里古聖賢遺跡依依相近馬  
村以南有書院舊志建於元祭酒蘇天爵初為藏書之  
院後以祀孔子有塑像兩壁左右從遊有繪像近鄉人  
士春秋會祭如上丁期院門深柳森列過者起敬云

肅肅藏書院孤村欲暮雲謳歌堪入雅草莽尚高文簪筆  
歷朝合夢花此夜分莫愁吾道遠絕響有嘗聞

林華皖

筆鄉書院

劉雪

院古煙光靜堦侵草色新藏書千載事遺筆四方身天地  
留吾道漁樵識聖人瞻依懷不盡澗水自粼粼

筆鄉書院

方峨

古廟荒村裡栖栖歲月時詩書渾絕響賢聖竟何之野老  
尋遺字山雲鎖斷碑莫言吾道隱千載肅威儀

新樂縣志卷之十八

十二

筆鄉書院

馮吉期

滿望轍環地留芳贈此鄉揮毫春入夢積卷夜生光水繞  
多蘋藻時平待鳳凰深深煙靄裡古木伴斜陽

筆鄉書院

黃庭

貽筆一時跡轍環萬古音羲皇存大道閔子見同心魯壁  
留終古周京念至今門前孰繫馬煙柳自蕭森

閔鎮流泉

邑之西五十里曰閔鎮相傳閔子曾經此飲泉而甘之  
故泉曰閔泉泉眼湧出高平地水一尺許潭及水田可  
以萬畝即明云木鐸溝者是也離泉數百武而上一崗  
如屏端然一方之鎮蓋閔祠焉氣象恂恂望者欽慕  
友之色其冕旒衣有如王者制蓋閔子於唐宋歷朝

皆封為費公云

林華皖

賴有先賢鎮能令泉眼青微波瀲灩荇倒影上碑銘里老  
談車跡村蒙識孝經一杯千載後汶水共清泠

閔鎮流泉

郝應第

賢人尸祝處村以姓為名閣迥中峰出客瞻古水成四圍  
原野潤一泓石泉清仰止猶如在莫疑道未明

閔鎮流泉

方峨

誰識名泉意高賢此地過寒光侵夜月靜氣濯秋荷隔岸  
鶯聲滑前流鷺影多清芬猶可掬漱石聽漁歌

新樂縣志卷之十八

十三

林河煙柳

河之來自自行唐賈老營入邑青同村至馬家橋與木鐸  
溝匯延袤五十餘里方出藁城界河道久堙每陰雨中  
即聞田間歎澇聲近始開濬之兩堤皆種柳眾乃有秋  
穫少宰梁公為撰林河記者是也使後人讀記誦詩知  
每歲疏導之勿棄成陳跡將久而彌深則林林者俱幸  
甚

郝應第

西行五十里駐馬看林河樹色連阡密人煙隔岸多溪光  
搖綠草魚影擲青梭父老頻扶杖時聽來暮歌

林河煙柳

梁士潏

新堤行不盡垂柳入煙深雨過無私蔭風來有古音勞農  
還草草比屋漸林林河水千年繞此方一片心

林河煙柳

史縉

長河新遶帶種柳滿塲陰春暖魚依燕人歸鳥入林和風  
薰柳茁甘雨勸耕深江漢未為遠但存士女心

林河煙柳壬寅春日予自確城過青同村  
憇樹陰下偶見父老云此林河也遂賦之

黃攸居

主人幽且靜往往闢雲林萬樹青春裏千家湛露深柔條  
四野色密葉護堤陰試聽新河霽漁樵有好音

林河煙柳

白象乾

最愛林河勝風恬柳浪低午涼遮盃餉夕翠蔭提攜影對  
桑麻路絲懸桃李蹊千春煙水上閒步憶蘇堤

新樂縣志卷之十八

古

五臺別院

五臺離新市七百餘里先時有人輦鐵羅漢上五臺經

新市忽加重不可行寄小庵久欲塌羅漢夜放光戊戌

四月念五日林凝翁建堂以居之越明年即是月是日

有神僧至衣耳容髮似古達摩渡江圖德脩長老云善  
哉此乃證第四果位羅漢也因名其地為五臺別院將  
昔人欲輦上五臺之初  
念至此始為之了然

劉雪

佛性原無着逢場却有因放光憑慧眼古鐵幻金身水月  
禪心靜雲山客夢頻入門叅不二何媿在風塵

五臺別院

方峨

梵宇松風靜潮音此地傳性空涵萬象心寂肅諸天雲影  
悟前事鑪香幻世緣名山遙在望一磬發孤煙

新樂長桑有感

李敬

庭前一箇長桑樹好護甘棠百畝陰却憶提筐漢江女蠶  
饑曾費繡衣心

行春詞

陶秉禮

軟輿平馭踏青行兩兩三三竹馬迎頭踏斜穿野橋去桃  
蒼源裏課春耕

壬寅孟春遇新樂有感

嚴端

群峰秀出映平沙子晉仙鳧福萬家民為官清無箇事村  
墟處處種桃蒼

新樂縣志卷之十八

十五

戊戌秋杪從恒山遇新樂郵亭為林公賦

柴儼

盡日求玄何所益茫茫車馬無虛夕一朝負笈至恒山紫  
氣闕前暎白石我公仙骨本天成勾漏旌陽相仲伯祇宮  
邂逅印心宗直指真詮不二脉胸羅三千八百奇媿媿芝  
屑皆弘璧桑麻多種桃源巷竹馬田間迎木舄煙雲灑墨  
仵工神彩筆抒毫金玉擲于今南返旆高風水自長兮山  
自碧朝披一品暮九仙此去蓬萊剛咫尺願公示我枕中  
函欲向名山藏秘冊四明峰頭葛翁居丹崖赤水通天液  
我將結廬聊避喧遙望玄都迎鶴翮



秋日閱三闕駐新樂感而賦之

傅振商

攬轡西風秋色偏  
蕭條落木慘寒煙  
天高搗練砧聲續  
雲淨粘空雁影連  
已辨名香禮北岳  
擬將單騎問危邊  
觀風頻訪陶唐迹  
曉日羲臺非舊年

庚子新歲之四日駐節新樂感懷湯賦

許之漸

極目荒城古道偏  
征車歷歷破寒煙  
恒山近繞西屏合  
危渡遙從北塞連  
保障舊勲餘戰壘  
棄繻何策奏安邊  
抗懷今昔英雄淚  
四睇神京又隔年

過新樂有感

馬之騏

新樂縣志卷之十八

十六

楊巷拂拂草芊芊  
重到孤城感慨偏  
客路間關仍匹馬  
流光去住忽三年  
風微野渡晴煙直  
雨歇遙村夕照圓  
侯吏未須譚往事  
空囊亡恙舊青氊

司餉易水春二月過此有感

錢光泰

易水持籌地喜偏  
每虞隣邑動烽煙  
遙瞻故國鄉雲斷  
南望恒山列岫連  
已策飽騰酬夙志  
肯將庚癸誤諸邊  
轡旋正是春將半  
柳色青青似去年

過新樂次壁間韻

楊思聖

風雨飄零岐路偏  
行裝幾處歷蒼煙  
移家我自悲孫楚  
結

客何人慕魯連  
匹馬獨吟殘  
照裏單車愁  
絕錦江邊相逢  
滾滾誰相識  
滿眼輕肥盡少年

過新樂見道上流民乏食時讀制臺李公疏  
宗 彞  
用壁間韻

新樂城頭寒色偏  
幾家茅屋起炊煙  
中峰暝日陰雲合  
斷壑淒風夜火連  
落雁盡浮秋水去  
饑鳥猶集戍樓邊  
可憐鄭俠圖千紙  
爭似淮南持節年

辛丑春奉 命欽恤恒那撤差回部次壁韻  
陳咨稷

衰柳芊芊暮影偏  
驅車遠望隔汀煙  
恒山繡錯千峰迥  
古樹婆娑二水連  
征雁已隨明月度  
金鷄猶繞白雲邊  
聖朝解網渾無事  
稽首堯天頌萬年

新樂縣志卷之十八

七

予奉 命道經新市昭令君林凝翁予世譜也握手道  
故歡若平生及傾耳口碑古誰嗣之歌孔邇之頌不是  
過矣於其別也又步壁韻湯賦一章

陳咨稷

荀令琴堂雅興偏  
焚香一縷裊清煙  
探玄靜溯黃庭始  
展卷應通太極連  
鬢序重輝看道岼  
蒼生代濟實籌邊  
九重考最虛梧掖  
恰喜新民樂有年

宿新樂公署感懷次壁韻二首

丘象升

遷客勞勞道路偏  
幾回搔首任風煙  
中山露白單車澁  
新市燈青細雨連  
鄉思直隨滹水去  
野雲還繞薊城邊  
坐憐

亭綠堪微憇禁柳依依記昔年

一丘孤城砂磧偏驅車日日宿寒煙憂時自昔悲韓杜降

志何曾辱惠連劍氣西充恒岳起筑聲夜斷易河邊主人

醉客情堪重不遣平原憶少年

再疊壁韻贈新樂令君林彭叟陞任萬州牧丘象升

入戶知君翰墨偏題詩灑落滿雲煙驛桓不見輪蹄累夜

氣遙看燈火連棠蔭已深恒岳外絃歌移奏海潮邊黎蠻

竹馬枕柳下莫遣春風待隔年

壬午冬杪奉命賑豫南竣即有按楚之役年不滿半三  
過新樂所謂勞人非耶偶觀署中石刻率爾成賦以志

新樂縣志卷之十八 十八

歲月

黃澍

百感嬰心舊事偏荒荒千里舉狼煙風高似逐年光過月

暗疑添鬼火連忍詠民勞傷脊土憑誰將老定雄邊孤城

斗大渾無恙責賦徵兵又一年

壬寅元宵夜和壁上韻

陳寅

新樂停驂日已偏滿城燈火月籠煙歌聲遠近高猶下爆

響流星斷復連恒山遠望雲屏嶂蜀水遙思古澗邊今日

啣杯方足快旆影車聲又一年

乙未新夏北上步壁間韻

許宸

墨花簇簇競吟偏，靜對爐香一縷煙。  
底事都隨鄉夢遠，幽心不共宦情連。  
征袍慘淡斜曛外，林鳥啁啾破硯邊。  
白水漁竿丹谷月，天真爛熳是何年。

戊冬補守恒山，每以公務往來新市，庚子奉命兵備通薊，七夕又過此步壁間韻。 蔡祖庚

琴川數過駐旌偏，今夕銀河藹碧煙。  
秋入薊關沙塞滿，雨餘滹水暮砧連。  
輕航渡涉時將騎，高戍戈明且訊邊。  
漫謂荒城增感慨，波澄舜海是何年。

奉命欽恤陝川兩省署中夜酌次壁上韻 陳丹

徙倚長桑影欲偏，孤鴻度月咽寒煙。  
客思不禁關山迥，酒力猶支杯斝連。  
四野秋聲村社裏，一天霽色帝城邊。  
匆匆介馬隨星去，秦水蜀雲戴舜年。

新樂縣志卷之十八

十一

十九

介馬隨星去，秦水蜀雲戴舜年。

凝翁為予同窓友，令新邑聲譽藉甚。壬寅春予有蜀中之役，經過此地，信宿話舊賦別。 張松齡

憇馬孤城夕照偏，中峰霧鎖恍炊煙。  
輪蹄道古騰喧至，鄉國情親嘯語連。  
共上羲臺春旭裡，誰疑棧嶺野雲邊。  
相逢又擬啣杯去，別緒長歌似昔年。

己亥冬月步壁間韻

王輔運

薄暮驅車馬，影偏千村燈火照寒煙。  
孤城寂寞棲鳥聚，古道蕭條驛樹連。  
天地陂平清夢裡，古今興廢白雲邊。  
自從

逐隊長安道回首風塵又幾年

奉 命視學粵西除夕署中步壁間韻

黃鼎

令序更新新市偏荒城何咽舊寒煙征蹄共逐皇華遍客  
署惟聞鼓角連鄉思江南千里外丹心冀北五雲邊空囊  
檢點誰長物畏此每懷又一年

庚子夏日典粵西試道經新市步壁間韻

何元英

長途何處探幽偏極望蒼茫薄暮煙春榭晴開修楚盡翠  
屏遙入萬峰連雲中使節征塵外馬首孤城落照邊試向  
平原思往事不禁清嘯問當年

新樂縣志卷之十八

二十

辛丑夏日復遊此地與彭叟年翁話舊賦贈何元英

羣峰歷歷望中偏依舊晴光敲野煙大陸夏雲沙道合孤  
城晚色岳陰連安仁花滿河陽艷勾漏丹成霄漢邊可念  
風塵勞役者相逢相憶更經年

宿新樂感懷用壁間韻

侯于唐

浸樓水色淡浮煙析響敲殘野月偏夢裡岳雲親舍遠望  
中燕榭 帝城連青燐火久銷窮戍赤子饑還相泣邊愧  
乏良謀酬聖主攬衣起坐夜如年

過新市步壁間韻

舍遠居士

張瑞徵

四野絃歌此地偏孤城彌望破荒煙水穀漸識滹沱近山  
勢遙從北嶽連為悟玄機遺世外乍酣清夢到池邊脂車  
未愜班荆約眉宇相看豈問年

懋新樂行院和壁間韻二首

梁 鉉

取次程途此地偏荒城猶見起人煙可知驛路艱難盡誰  
惜公家羽檄連帝里恩隨流水處鄉關望倚紫雲邊我來  
面壁問前輩雨雨風風又幾年

秋風淅淅蕭條偏恰駐征車生暮煙綠林紛披庭際合黑  
新樂縣志卷之十八 二十一

雲倒壓城頭連此時身憇中山地昨夜夢迴北斗邊久客  
鄉思千里外且依恒岳祝大年

仲琳年翁告假省覲過恒山聞予抱病叩榻問慰之  
餘出詩二章見示曰此鮮虞署中和壁間韻作也讀  
之森挺古秀邁越風雅涵泳再三病霍然已何異王  
摩詰輞川圖使少游卧遊其間而疾有起色乎遂鐫  
於石以誌喜云

三山年弟李鏞金識

戊戌夏日奉  
使過新樂夜宿值雨晤凝翁林年臺兼得所授賦此步  
傳商盤先生壁間韻

孫期昌

誰憐別路旅愁偏酷暑征車落暮煙雨溼鐘聲溼亦響夜  
燒燭影短猶連何來客子荒城裏空憶主人伏枕邊得近

仙官傳秘訣幾回搔首問長年

林河煙柳

梁士湊

林河河裏水潺湲種柳初成堤上煙幾載田疇愁水漲此  
時禾黍喜雲連炊藜野老供新飯沉版流亡認舊阡不是  
郇侯親鑿築荒村那得見豐年

其二

繞繞新田四望平手扶鳩杖傍隄行玉皇閣聳煙中翠木  
鐸泉流樹裏聲自是仁人勞夙駕應教遺老享秋成偶携  
斗酒尋隣父聽說桑麻話月明

新樂縣志卷之十八

五

夏日憇新樂率爾成咏

傅振高

薰風拂袂憇孤城循省題詩感慨生畿甸乘驄重閱武贛  
江開府又論兵往來屢踐邯鄲夢歲月頻催蕉鹿清漫咏  
方將贈別緒好揮長劍請長纓

宿新樂署中一時病卧無可為遣因有所感遂信手拈  
韻偶爾成咏云

魏廣微

斜陽小隊憇孤城旅病勞騷感慨生一片鄉心驚客夢頻  
年家變見交情雲停蘭社腸堪斷風折鷓原淚欲橫歲月  
漳川歸卧穩懶從畏路覓神京

西巡過新樂有感次韻

王守履

新城還是舊新城樂意蕭條百感生  
直北方寧悲裂土東南未靖尚稱兵  
思鄉每切歸山夢報國難同入海情  
滿目鄭圖描不得欲將潺水濯吾纓

書懷

懶窩氏

回首天涯百事難行行道路幾間關  
寒鴉古木風前寺流水荒村雨後山  
無力耕田愁問歲有人種樹漫開顏  
年來學得長生訣淡飯粗茶盡日閑

西征新樂晚渡

蔡經

新樂縣志卷之十八

二十三

曉箭初催五夜壺渡河人語鳥驚呼  
荒村帶月半明晦遠樹含雲乍有無  
立馬獨看雙劍淨隔林遙愛一峰孤  
玉闕萬里將符節此日天聲定版圖

新樂為魯大父舊遊地予奉命歸省再過車中感賦

薛所蘊

驅車幾度來新市每憶先型一愴神  
官舍垂楊元舊植野田茅屋是遺民  
夕陽古道顏垣影白草黃沙嚮夜燐  
猶記家庭論遑事昔時此地未全貧

奉命賑濟天雄過新樂道中

杜立德

蝸角何由奉簡書那知民物迥非初  
荒城煙籠遙看密春



樹雲蒸近過，踈壁落飛塵。封古驛橋橫，流水傍殘廬。行來  
惟有青山麗，無策徒籌萬姓舒。

辛丑元宵後三日又過此偶書近句

蔡祖庚

十載風塵瘁，一官拈鬚愁。向鏡中看，違時即在尊黃老。生  
計何須問，懶殘舊屋數椽風。較古新芹一束，味如蘭從茲  
穩棹溪山外，漫賦人間行路難。

鮮虞古渡

馮亨期

鮮虞故國拱京華，一帶長河走白沙。南北津梁喧渡口，去  
來歌棹有漁家。春澄堪濯三吳錦，秋漲好浮八月槎。城廓  
新樂縣志卷之十八

二十四

從今多氣象，新栽堤柳已初芽。

閔鎮流泉

馮亨期

費公已飲甘泉去，此地猶傳閔鎮名。閔鎮百家沾孝化，費  
公千載播賢聲。悠悠古蹟今仍在，脉脉長流遠益清。遊覽  
匪徒增感慨，高山仰止不勝情。

林河煙柳

馮亨期

迢迢官柳夾新河，兩岸人煙映碧波。忽見春風添景色，纔  
依化日舞婆娑。土膏深尺無愁澇，時雨一犁有鼓歌。比屋  
臨流生齒盛，應知名子曰林多。

八景詩

邑令麻廷璫

邑中有景景賦以詩大率風雲月露之詞以供文人韻士之興非有關於政治也惟是古蹟既不可沒賦詩又自有體輯而錄之可也新樂八景相沿最古舊志吟咏頗稱佳麗予於公退之暇亦各成一絕詩雖平易要皆觸景生情不勝望古遥集之意後之覽者當求之政治之間不徒以詩詞索之斯大幸矣

義臺曉日

放懷今古興悠然愛此義臺鎮日邊風土信能留渾樸相  
新樂縣志卷十八  
三五  
期還是古初天

鮮虞古渡

寒烟漠漠散江天隔岸行人喚渡舡此地由來風浪靜慈舡載得好音還

筆鄉書院

由來聖學屈無方况乃地傳落筆鄉淬志惟將經史激聲名到處仰冠裳

栢臺望岳

栢臺縹緲彩雲間鐵繡苔痕點點斑好景不教人蕩盡長

留古色耀塵寰

孔村杏錦

十里烟花號孔村村民猶憶孔壇存試看物候平鋪景應有弦歌續聖門

閔鎮流泉

兢傳閔鎮水聲漸行自中庸景自竒倘是昔賢無孝感何緣荒地耐人思

二水中州

一道溪聲兩派開渚青沙白水滌迴兒童郊外渾無事立

新樂縣志卷十八

二十六

看中州鳧鴈來

林河烟柳

林侯相去幾何年猶載芳名在柳邊真個物情能獻媚只緣遺愛動人傳

鮮虞古渡考

謝植

按鮮虞古國也其地即今之新樂縣也縣南傍城有沙郛二河此鮮虞古渡所由來歟頤鮮虞何以名新樂也沙河何以名沙郛河何以並稱二河何以必係之鮮虞也蓋鮮虞周姬姓國也至春秋時歷魯昭定哀三公年間為晉所

伐者五而終為所滅以屬中山國而鮮虞之名遂泯迨戰國時初屬魏而繼屬秦為上谷鉅鹿二郡之地至西漢置新市縣而鮮虞之名再泯歷東漢後周至隋遂更市為樂而鮮虞之名愈泯歷唐宋金元明以至於今因之不改而湖厥本初新樂之為鮮虞也明矣顧新市古城在縣西南新城鋪新樂舊城在縣西南城西村皆有遺址可考而現今新樂城何以在此地也意者唐至德元年郭子儀等與史思明大戰九門鄉民屯結為營而築即此地乎至於沙河之水自西北至縣境泝散東南而流入磁河故變沙言

新樂縣志卷十八

七

泝寔二而一也沙河之水發源於繁峙白波頭經曲陽至新樂西南與郃河匯郃河之水發源於楊川嶺經行唐至新樂西南與沙河匯二水上流未匯中州分多白鷺故沙郃並稱名曰二水中州而二水係之鮮虞抑猶有說古有鮮虞國則有鮮虞亭按志在古新市城內有東漢書可考則非在今之新樂傍城近地可知然雖廢於古可復興於今自康熙元年 邑侯林公建八角亭於河岸上仍名鮮虞亭蓋 公相度鮮虞氣象自西北而東南入於河龍德在木亭宜居東南位以巽地以為一邑之巽峯且為兩河

之重鎮蓋河之遷徙無常而亭之沿革亦異搃不離乎唇齒相倚之義新樂地當九省之衝凡經過此地每夏秋水漲河不容橋待渡者輪蹄兩岸相望舟楫一峰交屯風雨曠野少憇亭阜則病涉何勞於乘而知津自有其亭且亭之上龍神位焉而漢之壽亭侯之祠與之相倚故兩河之水匯流不盡而屹然一亭俯臨此白浪青波慈航俱在濟渡未停此鮮虞之所以稱為古渡也是為考

南皮縣訓導閻公墓誌

蕭山來席珍

乾隆十二年三月二十一日天津府南皮縣訓導卒於家

厥子廩生閻玉麟持狀徵銘於予先予待罪天津北倉與公同郡交久知深義不可辭按狀閻公諱元峻字復一邑之通道鋪人康熙丙辰進士足與閻公之第三子也公生而端慧幼有異姿讀書三五過輒成誦公考心竒之謂異日大吾宗繼我而興起者必是子矣比長果負竒氣英邁豪宕不拘拘為俗儒態由康熙庚午歲進士選授天津府南皮縣訓導其學務以聖賢為師不忍常匹自待故其所到率精粹充蔚有發古人所未逮者能文章工詩賦步武丰度迥出恒調宣教南皮凡所指授悉當材質高下諸生

貧不能學者以所入俸資與之故子弟輩於公捐館時依  
依戀戀不啻如赤子之於慈父母不忍捨去者然公平生  
務修孝悌敦禮讓當道交章薦舉題請鄉賢崇祀至積而  
能施解衣周睦俗之仁贈死重喪葬之義特公之細細者  
耳不可殫述公娶李氏陳氏薛氏子三長玉麟廩生次玉  
錦附生三玉錫背誦講五經入學附生孫渭廩生背誦講  
四經入學次孫淮增生次孫齊泌俱業儒曾孫慶長業儒  
庚長福長壽長廕長俱幼公生於順治十四年十一月初  
三日卒於乾隆十二年三月二十一日享年九十歲以卒

新樂縣志卷十八

三九

之明年葬于城北里許祖營按狀併以所聞序而銘之銘  
曰

積功砥行 蔚為儒宗 振鐸南皮 大破愚蒙  
恬兮淡兮 進退從容 浩然長逝 雲盡天空  
凡諸後嗣 不墜家風

一臣賈公暨顧陶李三孺人墓誌銘

宇宙不朽之人品必有不朽之事業不必其立朝也即一  
居鄉而維持風化表率人倫亦自有不朽者在焉若我  
年伯賈公有足稱者乙卯之歲余與公長公元復同登

順天鄉薦丙辰會試第三場偶同號舍觀其人領其議論  
丰采誦其文章不禁心焉異之詢其家世始得力於 年  
伯義方之訓者為多 年伯雖列武庠而博涉書史下筆  
成文與今之馳馬試劍以自雄者相去奚啻逕廷且恂恂  
書生溫文爾雅殊不類武夫之赳赳也九歲失所恃事繼  
母以孝聞 太年伯八十而終 年伯生事死葬悉如典  
禮性端嚴家人奉之如嚴君臨里鄉黨列其前者不敢出  
一狎褻語遇事有擔當不作畏首畏尾之態重然諾尚義  
氣輕財好施而自奉甚儉教子讀書功課最嚴元復年兄

新樂縣志卷十八

三

已登賢書而督責不衰接引後進每以讀書敦品相勸誠此  
則表表在人耳目間者也古稱不朽有三茲非立德之君  
子歟今年乙丑余在都謁選元復年兄亦以公車赴試旅  
邸諾舊若有不豫色然細詢之始知 年伯之老而病也  
塲事竣即星夜回籍未及一別閱八月遣其价持 年伯  
併 年伯母孺人狀來將以冬十月安厝於 祖營命余  
作墓誌銘余忝猶子之誼方以不得吊哭為恨又何敢以  
不文辭哉按公諱 一臣 字相首 邑庠生年七十五歲而卒  
元配顧孺人繼配陶孺人繼配李孺人繼配顧孺人生男

二長更新乙卯科舉人吏部候選知縣陶孺人出娶趙氏  
行唐縣增廣生文耀之女繼娶張氏行唐縣拔貢生星炳  
之女次力新增廣生李孺人出娶郭氏本縣歲貢生維城  
之女孫男四一曰鵬程正定府學生員趙氏出娶牛氏本  
縣邑庠生士軒之女一曰鵬飛幼業儒聘孫氏一曰鵬鳴  
幼業儒俱更新出一曰居敬幼業儒聘蕭氏力新出乃又  
為之銘曰 年伯之生也為端人 年伯之歿也為明神  
其跬步方行足以表率乎群倫天之報有德以昌熾於無  
極者其在光前人兮以垂裕乎後昆

新樂縣志卷十八

三十一

賜進士出身

特授文林郎浙江嘉興府嘉興縣知縣加一級紀錄三次  
直隸永平府昌黎縣籍年春姪閔公銑頓首